

სსიპ ეროვნული სატყეო სააგენტო

საკანცელარიო საქონლის (საოფისე მანქანა-დანადგარები, აღჭურვილობა და საკანცელარიო ნივთები, კომპიუტერების, პრინტერებისა და ავეჯის გარდა) (CPV – 30100000;) გამარტივებული ელექტრონული ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანების საფუძველზე.

ქ.თბილისი

2013 წელი

სარჩევო

1. ინსტრუქცია ტენდერში მონაწილეობის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დანართი № 1 ტექნიკური მახასიათებლები და ფასების ცხრილი

1. ინსტრუქცია ტენდერში მონაწილეობის

1.1 ის. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

2. ტექნიკური დოკუმენტაცია

2.1 პრეტენდენტის მიერ სისტემაში ასატვირთი ინფორმაცია და მონაცემები:

2.1.1 რეკვიზიტები:

- ა) პრეტენდენტის იურიდიული ფორმა, დასახელება და საიდენტიფიკაციო კოდი;
- ბ) ხელმძღვანელის სახელი და გვარი;
- გ) პრეტენდენტის იურიდიული ან/და ფაქტიური მისამართი და ტელეფონის ნომერი;
- დ) პრეტენდენტის ელექტრონული მისამართი;
- ე) მომსახურე ბანკის დასახელება, ბანკის კოდი და ანგარიშსწორების ანგარიში.

2.1.2 პრეტენდენტმა უნდა წარმოადგინოს სატენდერო წინადადების ფასი დანართი № 1-ის მიხედვით.

2.2 ანგარიშსწორების პირობები:

2.2.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით;

2.2.2 ანგარიშსწორება მოხდება უნაღდო ანგარიშსწორებით ღარებში;

2.2.3 ანგარიშსწორება მიმწოდებელთან განხორციელდება ეტაპობრივად, საქონლის მიწოდების შემდეგ, მიმწოდებლის მიერ სასაქონლო ზედნაღების, მიღება-ჩაბარების აქტის და/ან საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან 15 (თხუთმეტი) კალენდარული დღის განმავლობაში;

2.2.4 წინასწარი ანგარიშსწორება (ავანსი) არ გამოიყენება.

2.3 შესყიდვის ობიექტის ტექნიკური პარამეტრები და ფასების ცხრილი: შესყიდვის ობიექტის ტექნიკური მახასიათებლები და ფასების ცხრილის ფორმა მოცემულია დანართი № 1-ის სახით.

2.4 მიწოდების პირობები და ვადები: საქონლის მიწოდება უნდა განხორციელდეს ეტაპობრივად, ხელშეკრულების გაფორმებიდან 2013 წლის 15 დეკემბრამდე, შემსყიდველის მოთხოვნის შესაბამისად, სიტყვიერი ან წერილობითი მოთხოვნიდან 3 (სამი) სამუშაო დღის განმავლობაში, ხოლო საქონლის მიწოდება უნდა განხორციელდეს შემსყიდველის მისამართზე, შემსყიდველის მიერ მითითებულ სართულზე და ოთახში.

2.5 დაფინანსების წყარო – საკუთარი სახსრები.

2.6 შესყიდვის სავარაუდო ღირებულება – 14500 (თოთხმეტი ათას ხუთასი) ლარი.

2.7 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი. სხვადასხვა ვალუტაში გამოსახული სატენდერო წინადადებები არ განიხილება.

2.8 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

2.9 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2.10 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადსმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

2.11 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2.12 პრეტენდენტს არა აქვს უფლება წარმოადგინოს ალტერნატიული წინადადება.

2.13 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

2.14 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: ქობილისი, გ. გულუას ქ. № 6, სსიპ ეროვნული სატყეო სააგენტოს ფინანსური დეპარტამენტი, მე-2 სართული. ტელეფონი: 275-39-10; 599163130; 595304004. საკონტაქტო პირი: დავით ტაბატაძე, დავით კოპალიანი.

3. სახელმწიფო შესყიდვების შესახებ ხელშეკრულების პროექტი

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თაგმჯდომარის 2011 წლის 7 აპრილის № 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მოთხოვნათა შესაბამისად სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, **საკუთარი სახსრებით**, გამარტივებული ელექტრონული ტენდერის საშუალებით, („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის შესაბამისად) (ტენდერის ნომერი № SPA-----) (CPV 30100000);

ერთის მხრივ სსიპ ეროვნული სატყეო სააგენტო (შემდგომში **შემსყიდველი**) სააგენტოს უფროსის ბიძინა გიორგობიანის სახით, **მისამართი:** ქ.თბილისი, გ. გულუას ქ. № 6, ს/კ 204578581, **ტელ:** 2753910. **საბანკო რეკვიზიტები:** ქ.თბილისი, ს.ს. „ლიბერთი ბანკი“-ს ცენტრალური ფილიალი, ბანკის კოდი LBRTGE22, ა/ა GE24LB0121112350449000. **ხოლო მეორეს მხრივ –**

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება გამარტივებულ ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 მიმწოდებელი იღებს ვალდებულებას მიაწოდოს შემსყიდველს სხვადასხვა სახის საკანცელარიო საქონელი (შემდგომში საქონელი) ამ ხელშეკრულების პირობების შესაბამისად.

3. საქონლის ღირებულება

3.1 მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის გათვალისწინებით (მათ შორის ტრანსპორტირების) შეადგენს — ლარს.

4. საქონლის მიღება-ჩაბარება

- 4.1 საქონელი ან მისი ნაწილი ჩაითვლება მიღებულად მხოლოდ სასაქონლო ზედნადებზე და შესაბამის მიღება-ჩაბარების აქტზე შემსყიდველის მხრიდან ხელმოწერის შემდეგ.
- 4.2 საქონლის ან მისი ნაწილის მიღების დამადასტურებელ დოკუმენტაციას აფორმებენ სათანადოდ უფლებამოსილი პირები.
- 4.3 საქონლის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 4.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

5. საქონლის მიწოდების ვადები და ადგილი

- 5.1 საქონლის მიწოდება განხორციელდება ეტაპობრივად, ხელშეკრულების გაფორმებიდან 2013 წლის 15 დეკემბრამდე, შემსყიდველის მოთხოვნის შესაბამისად, სიტყვიერი ან წერილობითი მოთხოვნიდან 3 (სამი) სამუშაო დღის განმავლობაში.
- 5.2 საქონლის მიწოდება ხორციელდება შემსყიდველის მისამართზე: ქ. თბილისი, გ. გულუას ქ. № 6, მე-2 სართული.

6. მხარეთა უფლება-მოვალეობანი

- 6.1 მიმწოდებელი ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი.
- 6.2 მიმწოდებელი უფლებამოსილია მოითხოვოს ანაზღაურება ან ხელშეკრულების პირობების შესაბამისად.
- 6.3 შემსყიდველი ვალდებულია გადაუხადოს მიმწოდებელს ანაზღაურება ამ ხელშეკრულებით გათვალისწინებული საქონლის მიწოდებისათვის ხელშეკრულების პირობების შესაბამისად.
- 6.4 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.
- 6.5 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.

7. გარანტია

7.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და მისი ექსპლუატაციის ნორმების დაცვის შემთხვევაში, არ გამოავლენს დეფექტს და შესაბამისად ხელშეკრულების მოთხოვნებს.

8. ანგარიშსწორება

- 8.1 ანგარიშსწორება მიმწოდებელთან განხორციელდება ეტაპობრივად, საქონლის მიწოდების შემდეგ, მიმწოდებლის მიერ სასაქონლო ზედნადების, მიღება-ჩაბარების აქტის და/ან საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან 20 (ოცი) სამუშაო დღის განმავლობაში;
- 8.2 ანგარიშსწორება განხორციელდება უნაღდო ანგარიშსწორების ფორმით ლარებში.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 მიმწოდებელი კისრულობს პასუხისმგებლობას გადაუხადოს პირგასამტეხლოს სახით შემსყიდველს ამ ხელშეკრულებით გათვალისწინებული საქონლის მიწოდების ვადების დარღვევის ან ხელშეკრულებით გათვალისწინებული ნებისმიერი ვალდებულების დარღვევის შემთხვევაში ხელშეკრულების ღირებულების 1 (ერთი) პროცენტი ყოველი გადაგადაცილებული დღისათვის.

11.2 მხარეები თანხმდებიან, რომ თუ მიმწოდებელი საქონლის მიწოდებისათვის ან ხელშეკრულებით გათვალისწინებული ნებისმიერი ვალდებულების ამ ხელშეკრულებით დადგენილ ვადას გადააცილებს 10 (ათი) კალენდარული დღით, შემსყიდველი უფლებამოსილია გადაგადაცილებული დღეებზე დაკისრებული პირგასამტეხლოსთან ერთად დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით და დაწვეტოს ხელშეკრულება.

11.3 პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 საქართველოს კანონმდებლობით გათვალისწინებულ სხვა შემთხვევებში.

13. ხელშეკრულების შესრულების კონტროლი

13.1 შემსყიდველს უფლება აქვს მიმწოდებლის მიერ საქონლის მიწოდებისას, განახორციელოს კონტროლი და/ან გამოცადოს საქონელი. კონტროლს ახორციელებენ შემსყიდველის წარმომადგენლები: სსიპ ეროვნული სატყეო სააგენტოს ფინანსური დეპარტამენტის თანამშრომლები (შემდგომში „ინსპექტორების ჯგუფი“).

13.2 ინსპექტორების ჯგუფის ფუნქციებია:

13.2.1 გაუწიოს კონტროლი საქონლის მოწოდების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.

13.2.3 უზრუნველყოს მიწოდებული საქონლის მიღება.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა

16.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2014 წლის 31 იანვრის ჩათვლით.

16.2 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

„შემსყიდველი“

„მიმწოდებელი“

4. მისაწოდებელი საქონლის ტექნიკური მახასიათებლები და ფასების ცხრილი

№	საკანცელარიო საქონლის დასახელება	CPV კოდი	განზ-ბა	რ-ბა	ერთეულის ფასი	საერთო ფასი
1	ფანქარი უბრალო	30192130	ცალი	2000		
2	ფანქარი მექანიკური	30192130	ცალი	100		
3	ფანქრის სათლელი	30192133	ცალი	100		
4	საშლელი პატარა	30192100	ცალი	500		
5	კალკულატორი სამაგიდე (დიდი)	30141200	ცალი	300		
6	საფიზიკო ბარათების ჩასადები (ბლოკნოტის სტილის საშუალო ზომის)	30199731	ცალი	50		
7	ანტისტეპლერი	30197321	ცალი	200		
8	ღირაკოლი საშუალო	30197330	ცალი	100		
9	ღირაკოლი დიდი (150 ფურცლიანი)	30197330	ცალი	10		
10	კონვერტი A4	30199230	ცალი	10000		
11	დაფის საშლელი	30195921	ცალი	20		
12	სწრაფჩამკერი ცელოფნის	30191100	ცალი	5000		
13	სკრები №3 პატარა	30197220	კოლოფი	500		
14	სკრები №7 დიდი	30197220	კოლოფი	50		
15	მეტალის კლიპი სამაგრი (19მმ)	30197130	ცალი	300		
16	მეტალის კლიპი სამაგრი (25მმ)	30197130	ცალი	400		
17	მეტალის კლიპი სამაგრი (32მმ)	30197130	ცალი	400		
18	მეტალის კლიპი სამაგრი (41მმ)	30197130	ცალი	1000		
19	მეტალის კლიპი სამაგრი (51მმ)	30197130	ცალი	1000		
20	საკანცელარიო დანა პატარა (ხარისხიანი)	30197310	ცალი	200		
21	საკანცელარიო დანა დიდი (ხარისხიანი)	30197310	ცალი	200		
22	ტექსტმარკერი	30192700	ცალი	1500		
23	ბორდმარკერი	30192700	ცალი	100		
24	პერმანენტმარკერი	30192700	ცალი	100		
25	ჩასანიშნი ფურცლები ფერადი	30192700	შეკერა	300		
26	მონიტორის საწმენდი	30192700	კოლოფი	200		
27	საკანცელარიო ურნა (ბადე)	30192700	ცალი	100		
28	საკანცელარიო ჯამი (ბადე)	30193200	ცალი	100		
29	კალამი უბრალო (ბურთულიანი) (კარგი ხარისხის)	30192700	ცალი	3000		
30	კალამი გულით	30192700	ცალი	500		
31	სკოლი გამჭვირვალე პარატა	30192700	ცალი	200		
32	სკოლი გამჭვირვალე დიდი	30192700	ცალი	300		
33	სახაზავი პლასტმასის (30სმ)	30192700	ცალი	150		
34	მაკრატელი	30192700	ცალი	150		
35	წებო (თხევადი)	30192700	ცალი	300		
36	წებო (მშრალი)	30192700	ცალი	300		
37	მექანიკური ფანქარის ტყეები	30192132	კოლოფი	200		
38	ფურცლის ჩასადები ბადე	30193200	ცალი	100		
39	სკრების ჩასადები ბადე	30193200	ცალი	100		
40	საკანცელარიო ჭიქა-ბადე	30193200	ცალი	100		
41	დიდი სტეპლერი	30197110	ცალი	10		
42	დიდი სტეპლერის ტყვია	30197110	კოლოფი	50		
43	მონიტორის საწმენდი სითხე	30192700	ცალი	50		
44	ზამბარა 45მმ	30192700	ცალი	300		
45	ზამბარა 25მმ	30192700	ცალი	300		
46	ზამბარა 15მმ	30192700	ცალი	300		
47	ყდა A4 მუყაო	30192700	ცალი	1000		
48	ყდა A4 გამჭვირვალე	30192700	ცალი	1000		
49	სიდის მარკერი	30192700	ცალი	100		
50	ჭიკარტი	30197120	კოლოფი	100		
51	ფურცლის დამკრები (პლანშეტი)	30193900	ცალი	700		
					სულ:	

ვეთანხმებით ტექნიკური დოკუმენტაციით გათვალისწინებულ მოთხოვნებს.

ეკისრულობთ ვალდებულებას ტენდერში გამარჯვების შემთხვევაში მოგაწოდოთ ზემოაღნიშნული საქონელი სატენდერო დოკუმენტაციაში მითითებული ტექნიკური მახასიათებლების შესაბამისად.

პრეტენდენტის დასახელება -----
 თანამდებობა, სახელი, გვარი -----
 ხელმოწერა და ბეჭედი -----

შენიშვნა:

1. სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან (მათ შორის ტრანსპორტირების) დაკავშირებული ყველა გადასახადის გათვალისწინებით.
2. დაბალფასიანი პრეტენდენტის მიერ წარმოდგენილ პირვანდელ და გაჭრობის შედეგად დაფიქსირებულ საბოლოო ფასებს შორის სხვაობა გამოანგარიშდება (შემცირდება) პროცენტულად, თითოეულ საქონელზე ცალცალკე, რომლის მიხედვითაც დაევალება პრეტენდენტს წარმოადგინოს კორექტირებული ფასები.
3. შემსყიდველი არ არის ვალდებული დოკუმენტაციაში მითითებული საკანცელარიო საქონლის შესყიდვა განახორციელოს სრული რაოდენობით.